

HAENISCH

Lehrgang der klassischen
chinesischen Schriftsprache

I/II

Lehrgang der klassischen chinesischen Schriftsprache

I/II

Studienausgabe

von E. Haenisch

I – Textband
(von hinten aufzuschlagen)

II – Ergänzungsband
(von vorn aufzuschlagen)



VEB Verlag Enzyklopädie Leipzig

Bei dieser Studienausgabe handelt es sich um einen unveränderten Zusammendruck
der letztmalig 1975 erschienenen Einzelausgaben.

Haenisch, Erich:
Lehrgang der klassischen chinesischen Schriftsprache :
Studienausg. / von E. Haenisch. – 4., unveränd. Aufl. –
Leipzig : Verlag Enzyklopädie, 1990. – XII, 408 S.
Enth.: 1, Textbd. 2, Ergänzungsbd. – Text teilw. in chines. Schrift.
ISBN 3-324-00097-1

ISBN 3-324-00097-1

4., unveränderte Auflage
© VEB Verlag Enzyklopädie Leipzig, 1990
Verlagslizenz-Nr. 434-130/172/90
Printed in the German Democratic Republic
Druck und Bindearbeiten: Grafische Werke Zwickau
LSV 0874
Best.-Nr. 577 547 5
01950

I

Textband

150 Übungsstücke

(von hinten
aufzuschlagen)

Vorwort zu Teil I

Der vierbändige Lehrgang bietet eine Einführung in die ältere chinesische Schriftsprache, also die Sprache der mit dem Jahre 1911 abgeschlossenen Kulturperiode, deren zweieinhalbtausend-jähriges Schrifttum in seiner Weite und Tiefe etwa der alten klassischen Literatur Griechenlands und Roms vergleichbar ist und für die Bildung der ostasiatischen Welt dasselbe bedeutet wie jene für die des Abendlands. Dies große geistige Erbe, das auch im neuen China als Bildungs- und Forschungsfach sich sorgsamer Pflege erfreut, in unserem Kulturbereich dem Studium zugänglich zu machen, ist der Zweck des Lehrgangs. Er ist also kein Lehrbuch des modernen Chinesisch. Dafür gibt es andere Hilfsmittel.

Die Übungsstücke in leichter und klarer Sprache sind in der Hauptsache der Literatur, vornehmlich der Geschichtsschreibung, entnommen. Sie sind also historische Dokumente, die in jeder Hinsicht als solche gesehen sein wollen.

Möge das Buch wie bisher seinen Beitrag zum Studium der alten chinesischen Literatur und ihrer Sprache leisten, die ohne Zweifel als eins der gewaltigsten Zeugnisse der Kulturgeschichte der Menschheit neben der modernen Sprache ihre Bedeutung behalten wird.

E. HAENISCH

Inhaltsverzeichnis

Lekt.	Seite	Lekt.	Seite	Lekt.	Seite
1	1	33 老萊子	28	65 承宮	59
2	2	34 孔融	28	66 京師	60
3	3	35 朋友	29	67 公德	61
4	4	36 程明道	30	68 高鳳	62
5	5	37 蟻	31	69 馬援	63
6	6	38 扇	32	70 戒謾語	64
7	7	39 雁	33	71 愛兄	65
8	8	40 司馬光	34	72 彭思永	66
9	8	41 文彥博	35	73 吹竽	67
10	9	42 慎言	36	74 孟母	68
11	10	43 羊毛	37	75 遊子吟	68
12	11	44 守株待兔	38	76 敬先生	69
13	12	45 中秋	39	77 尙武	69
14	13	46 車船	40	78 餽遺	70
15	14	47 我國地形	41	79 燭理	71
16	14	48 蜜蜂	42	80 交易	72
17	15	49 居處	43	81 愛鄰	73
18	16	50 稻	44	82 遺錢	74
19	17	51 鐵	45	83 畫	74
20	17	52 重九	46	84 天津	75
21	18	53 劉安世	47	85 農田	76
22	18	54 雞	48	86 守分	77
23	19	55 猴戲	49	87 上海	78
24	19	56 杜衍	50	88 泰山	79
25	20	57 乞兒知辱	51	89 黃河	80
26	21	58 松竹梅	52	90 禹治水	81
27	22	59 交友	53	91 太華山	82
28	23	60 守信	54	92 大江	83
29	24	61 曹彬	55	93 刻舟求劍	84
30 孔子	25	62 地圓	56	94 黃牛灘	85
31 玉	26	63 陳襄	57	95 救國	86
32 孝悌	27	64 周瑜	58	96 海大魚	87

Lekt.	Seite	Lekt.	Seite	Lekt.	Seite
97 報德	89	116 縱 鵠 點 軍	112	134 緹 縈	135
98 九 江 府	90	117 田 單	113	135 兄 弟	137
99 吳 伐 荆	91	118 出 使 異 國	114	136 卜 式	138
100 周 文 王	93	119 祛 惑	116	137 洞 庭 湖	139
101 周 武 王	94	120 辨 訛	117	138 張 騫	140
102 君 子 行	95	121 愚 公 移 山	118	139 蘇 武	142
103 李 核	96	122 遷 善	119	140 昆 陽 之 戰	143
104 漢 口	98	123 太 行 山	121	141 班 超	146
105 舅 犯	99	124 韓 非	122	142 大 秦 國	147
106 錢 塘 江	100	125 非 相	124	143 赤 壁 之 戰	149
107 弦 高	101	126 不 失 信	125	144 諸 葛 亮	150
108 燔 券	102	127 長 城	126	145 曹 沖 孫 亮	153
109 子 產	103	128 山 海 關	127	146 李 密	154
110 荆 伐 陳	104	129 日 喻	128	147 婦 人 報 國	156
111 汪 錡	106	130 項 羽	129	148 肥 水 之 戰	157
112 商 鞅	107	131 漢 高 祖	131	149 明 太 祖 鄒	
113 漆 室 女	109	132 韓 信	132	陽 湖 之 戰	159
114 趙 奢	110	133 續	134	150 黃 孝 子	161
115 誠 實	111				

第一課

人。山。水。日。月。
 手。足。耳。目。
 父。母。子。女。
 兄。弟。姊。妹。

課二第

石 山 桃 土 花

工。石。林。石。草。

田 土 杏 竹 竹

夫。田。林。林。木。

第三課

春風春雨風起
 雨來青山白水
 山高水長看花
 栽竹作文寫字

第四課

河	江。	日	路	板
北。	黃	東	上	橋。
	河。	上。	人。	石
	大	月	日	路。
	江	西	光。	橋
	南。	下。	月	下
	黃	大	色。	水。

第五課

園中花。窗外竹。採桑女。賣花人。

子出門。告父母。子回家。見父母。

第六課

入講堂。

先正坐。

先生至。

起行禮。

先生言。

必敬聽。

先生問。

必敬對。

第七課

伸	城。	百	八	一
兩	左	官。	九	二
手。	右	千	十	三
共	手。	里	百	四
十	各	馬。	千	五
指。	五	萬	萬	六
	指。	里	兩。	七

第八課

車有輪。船有舵。

陸行乘車。水行乘船。

第九課

有客來。入宅內。

請客入坐。問客安好。

第十課

遊公園。
來看花。
花可看。
不可折。

學生習字。
取硯研墨。
墨汁用後。
取水洗硯。

第十課

提	編	堂	堂
籃	竹	前	後
採	為	種	種
花。	籃。	花。	竹。

第二十課

鄉村四月。
農家最忙。
大麥已黃。
小麥將熟。

第三十課

飯	茶	取	用
香	清	米	水
可	可	煮	煎
食。	飲。	飯。	茶。

第十四課

雄雞既鳴。
東方漸白。
晨星未沒。
紅日已出。

第十課

後見船身。先見船桅。遠望船來。間立水邊。

第十課

布帆挂起。順風行船。船後有舵。船上有桅。

第七十課

夕陽在山。
羊牛下來。
牧童坐牛背。
口吹短笛。

第十課

此花何名。

彼樹何名。

此花曰榴花。

彼樹曰松樹。

第十課

池中鯉魚。
大小不一。
大者長數尺。
小者長數寸。

第二十課
以水澆花。
以火然燈。
以銅鑄錢。
以木架屋。

第十二課

池有積水。
蟻溺水中。
不能自出。
我取竹枝。
救蟻出水。

第二十二課

夏日早起。
閒步村外。
近水綠波。
遠山青色。
有如畫圖。

第二十三課

鳥棲於樹。魚游於水。虎居於山。木生於土。水歸於海。

第二十四課

金重於羽。石堅於土。鉛軟於鐵。油輕於水。馬行速於牛。鷹飛速於雀。

第二十五課

自西至東。

自南至北。

自始至終。

自古至今。

行遠必自邇。

登高必自卑。

第二十六課

獸	鳥	牛	鶯
四	兩	羊	燕
足	足		
有	有	皆	皆
毛。	羽。	獸	鳥
		也。	也。

第二十七課

人生於世。飲食衣服。
必不可缺。渴則思飲。
飢則思食。寒則思衣。

第 二 十 八 課

驢	鯨	狐	虎
似	似	似	似
馬	魚	犬	貓
而	而	而	而
非	非	小	大
馬。	魚。		

第二十二課

黑雲起。

大雨下。

雲開雨止。

虹見天空。

其形如弓。

色甚美麗。

第三十課 孔子

孔子。聖人也。

各處學堂。皆供孔子。

開學之日。師率弟子。

至孔子位前行禮。

第三十一課 玉

玉出於山。

玉人琢之。成器。

師曰。人。猶玉也。

玉不琢。不成器。

人不學。不知道。

第三十二課 孝悌

孝悌之心。出於天性。

孟子曰。孩提之童。

無不知愛其親也。

及其長也。無不知敬其兄也。

第三十三課 老萊子

老萊子。性至孝。年七十。作嬰兒戲。身著五色之衣。弄雛於親側。欲親之喜。

第三十四課 孔融

孔融。年四歲。與諸兄食梨。融取小梨。讓大梨與諸兄。人問其故。融曰。小兒宜取小者。

第三十五課 朋友

君乘車。我戴笠。

他日相逢下車揖。

君擔簦。我跨馬。

他日相逢為君下。

第三十六課
程明道

程明道先生。
作字時甚敬。
嘗謂人曰。
非欲字好。
即此是學。

第三十七課 蟻

蟻色不一。

有黃蟻。有白蟻。

黃蟻同居一穴。

白蟻來攻。

黃蟻同出與戰。

白蟻不能勝。引隊而去。

第三十八課 扇

秋風涼。不用扇。

置扇篋中。

別之曰。

爾為我涼友。今暫與爾別。
待明年夏時。可再相見也。

第三十九課 雁

秋風起。

雁羣飛。

排列空中。

其形如字。

或排一行。

如一字。

或排兩行。

如人字。

先後有序。

不相凌亂。

第四十課 司馬光

司馬光七歲時。

與羣兒戲庭前。一兒失足。

跌入甕中。眾驚走。

光取石擊甕。甕破。

水盡流出。兒得不死。

第四十一課 文彥博

文彥博。幼時。與羣兒擊毬。

毬落柱穴中。穴深。

探之不得出。羣兒無計。

彥博以水灌之。毬遂浮出。

第四十二課 慎言

孔子之周。觀於太廟。

右階之前。有金人。三緘其口。

銘其背曰。古之慎言人也。

戒之哉。毋多言。

多言多敗。

第四十三課 羊毛

綿羊之毛。潔白而柔軟。

可翦之以製氈。

外國之呢絨。亦羊毛為之。
運入我國。銷售頗廣。

第四十四課

守株待兔

有田夫耕於野。見一兔觸
株而死。田夫得之。樂甚。因
不事耕種。日守株以待兔。
兔終不可得。而田已荒蕪。

第四十五課

中秋

秋有三月。七月為孟秋。
 八月為仲秋。九月為季秋。
 八月十五日。為秋之中。
 故曰中秋。是日也。
 學堂放假。過中秋節。

第四十六課 車船

我國北方多陸。

利用車。

南方多水。

利用船。

今車有汽車。

船有汽船。

陸行水行。

各得其利。

第四十七課

我國地形

我國地形。如秋海棠葉。

東出渤海。如葉之莖。

西至蔥嶺。如葉之尖。

各省及藩屬。合為全葉。

第四十八課 蜜蜂

蜜蜂。數百成羣。

同處一巢。有蜂王。

有職蜂。職蜂。

或採花蜜。或營巢。

或撫養蜂子。各勤其職。

以從蜂王之命。

第四十九課

居處

上古之時。

穴居野處。

後世聖人。

易之以宮室。

有柱有梁。

有門有戶。

居處甚便。

可蔽風雨。

第五十課 稻

農家。孟夏種稻。

刈以鎌。及登場。穗去外皮。或炊為飯。一飯一粥。

季秋稻熟。束以繩。打取其穗。而成米。或煮為粥。得之不易。

第五十一課 鐵

鐵產山中。開礦取之。

以火鎔化。可製器物。

若農器。若兵器。

皆以鐵為之。

其他器物。用鐵者甚多。

第五十二課

重九

九月九日。為重九節。

師率弟子登高。指示之曰。

此處為城。彼處為村。

某處為學堂。某處為公園。

遊畢。

順途而歸。

第五十三課

劉安世

劉安世。見賓客。

談論踰時。體無敬側。

肩背竦直。身不少動。

手足亦不移。

第五十四課 雞

古人謂雞有五德。

頭戴冠。文也。

足傳距。武也。

敵在前敢鬪。勇也。

見食相呼。仁也。

守夜不失時。信也。

第五十五課 猴戲

猴產於山中。

其形如人。

鼻小口突。

弄猴者得之。

教以雜戲。

被紅衣。

戴面具。

騎羊背上。

往來甚速。

第五十六課 杜衍

杜衍 幼時。其祖父脫帽使持之。

會山水暴至。家人散走。

其姑投一竿與之。使挾以泛水。

衍一手執帽。漂流久之。

遇救得免。而帽竟不濡。

第五十七課 乞兒知辱

齊有貧者。乞食於城市。

後從馬醫作役。或戲之曰。

從馬醫而食。不以為辱乎。

乞兒曰。天下之辱。

莫大於乞。豈以馬醫為辱哉。

第五十八課

松竹梅

冬日嚴寒。

樹木盡槁。

積雪之中。

松竹交翠。

梅花盛開。

性皆耐寒。

能經霜雪。

古人稱歲寒三友。

即松竹梅也。

第五十九課 交友

蓬生麻中。不扶自直。

白沙在泥。與之皆黑。

人之交友。亦如是也。

故當近君子。遠小人。

第六十課 守信

魏文侯。與虞人期獵。

明日。大風。

左右止文侯。

文侯曰。不可以失信。

遂犯風而往。

第六十一課 曹彬

曹彬。性不喜殺。

所居室壞。子孫請修葺之。

彬曰。時方大冬。

牆壁瓦石之間。皆百蟲所蟄。

不可傷其生。

第六十二課 地圓

單居離問於曾子曰。
 天圓而地方。誠有之乎。
 曾子曰。如誠天圓而地方。
 則是四角之不揜也。
 由此觀之。地為圓形。
 古人已知之矣。

第六十三課 陳襄

陳襄。宗族甚眾。每食。
 設廣席。長幼以次坐。
 而共食之。畜犬百餘。
 共一牢食。一犬不至。
 諸犬為之不食。

第六十四課 周瑜

周瑜。與孫策同年。

相友善。

瑜有道南大宅。

推與策居之。升堂拜母。

有無相通。

第六十五課 承宮

承宮。少時。為人牧豕。
 一日過塾。聞誦聲而樂之。
 請執役塾中。為諸生拾薪。
 有暇。即勤學。數年。
 遂成通人。

第六十六課 京師

我國京師。在順天府。

有內外二城。

外城環內城之南。

內城之中。

為皇城。

皇城之中。

為紫禁城。

宮殿在焉。

第六十七課 公德

管甯。村居。村中有井。

汲者常爭井鬪鬪。

甯多買汲器。分置井旁。

以待汲者。又不使知。

來者怪而問之。知甯所為。

乃皆感愧。不復爭鬪。

第六十八課 高鳳

高鳳 居鄉。

有爭財者，持械而鬪。

鳳往解之。

鬪不已。鳳叩頭曰。

仁義退讓，奈何棄之。

爭者投械謝罪。

第六十九課 馬援

馬援誡兄子書曰。

吾欲汝曹聞人過失。

如聞父母之名。

耳可得聞。口不可得言也。

第七十課

戒謾語

司馬光幼時與姊弄青胡桃。
欲脫其皮。不得。姊去。

婢以湯脫之。姊來問誰脫之。
光曰。自脫也。其父呵曰。何
得謾語。光自是終身不謾語。

第七十一課 愛兄

司馬光 與其兄伯康。

友愛甚篤。伯康年將八十。

光奉之如嚴父。保之如嬰兒。

每食少頃。則問曰。得無飢乎。

天少冷。則拊其背曰。得無寒乎。

第七十二課

彭思永

彭思永。幼時。晨起就學。

得金釵於門外。默坐其處。

以待失者。須臾。亡釵者來尋。

審之良是。即付之。

其人謝以錢。思永不受。

第七十三課 吹竽

齊王好聽竽。

使三百人同吹之。

南郭處士。不善吹竽。

濫三百人中。而食其祿。

及王死。新王使一一吹之。

南郭處士逃去。

第七十四課

孟母

孟子少時既學而歸。孟母方織。
 問所學。孟子曰。自若也。孟母因
 以刀斷其織。曰。子之廢學。若吾
 之斷斯織也。孟子懼而勤學。遂
 為大賢。

第七十五課

遊子吟

慈母手中綫。遊子身上衣。臨行

密密縫。意恐遲遲歸。誰言寸草
心。報得三春暉。

第七十六課 敬先生

從於先生。不越路而與人言。遭
先生於道。趨而進。正立拱手。先
生與之言。則對。不與之言。則趨
而退。

第七十七課

尚武

薛世雄。幼時與羣輩游戲。畫地

為城郭。令諸兒為攻守之勢。皆甚齊整。其父見之。大喜。知其後必為名將。後世雄果立戰功。

第七十八課 餽遺

鄭均兄為縣吏。頗受餽遺。均數諫。不聽。均為人傭。得錢帛。歸以與兄。曰。物盡可復得。為吏坐贓。

終身捐棄。兄感其言。遂為廉潔。

第七十九課

燭理

或問程伊川先生曰。獨居一室。或行暗中。多有驚懼。何也。曰。祇是燭理不明。若能燭理。則知所懼。皆妄。又何懼焉。

程伊川先生曰。今日雜信鬼怪。

異說者。只是不先燭理。斯言可
 祛世俗之惑。人能燭理。則事之
 有無。以理斷之。自不為邪說所
 惑矣。

第十課 交易

趙柔鬻物於市。有買之者。柔索
 絹二十匹。既成約矣。有商人知
 其賤。欲以三十匹得之。柔曰。與

人交易。一言便定。豈可以利易
心也。卒不受。

第八十一課

愛鄰

趙抃。居室樸陋。弟姪有欲悅公
意者。以厚值易鄰翁之居。用構
花園。公聞之不樂。曰。吾與此翁
三世為鄰矣。忍棄之乎。命速還
翁居。不追其值。

第八十二課

遺錢

邠原行路。拾遺錢。繫樹上。後過
 其地。見樹上繫錢甚多。問之。或
 曰。此樹有神。故繫以錢。原告其
 故。眾惑皆解。里人斂其錢。以為
 鄉社之用。

第八十三課 畫

黃筌畫飛鳥。頸足皆展。或曰。飛

鳥縮頸則展足。縮足則展頸。無
兩展者。乃知觀物不審者。雖作
繪亦不能肖物。況大於此者乎。
君子是以務學而好問也。

第八十四課 天津

天津直隸省都會。其地貿易甚
盛。學堂林立。近築鐵路。西北通

京師。東北通奉天省。縣之東南
隅。各國租界在焉。天津之東為
塘沽。塘沽之東為大沽。地臨渤
海。汽船往來甚便。

第八十五課 農田

農家種穀高田宜麥。水田宜稻。
麥與稻種之時不同。皆須風雨

適宜。始能豐穫。若三春有雨。入夏有微風。則豐年之兆也。諺曰。麥秀風搖。稻秀雨澆。

第八十六課 守分

呂僧珍為刺史。兄子宏以販蔥為業。因僧珍貴。欲棄其業。求為州官。僧珍曰。吾荷國重恩。無以

報効。汝等自有常分。豈可妄事
叨越。但當速返蔥市耳。

第八十七課 上海

上海屬江蘇省。在揚子江口之
南。乃吳淞江入海之口。汽船往
來。交通便利。縣城之北。為各國
租界。商貨咸集。我國通商口岸

之盛。此為第一。

第十八課

泰山

我國大山頗多。最有名者莫如泰山。泰山在山東省。山南有汶水。北有黃河。山頂有日觀峰。遊人多登之。以觀日出。遙見海水翻騰。日輪湧出。最為奇觀。

第八十九課 黃河

我國大川。古推黃河。河源出青海。曲折七千餘里。流至山東省。而入渤海。其水多挾泥沙。淤塞河道。往往衝決為患。惟濱河之地。藉以灌溉。頗有益於農事。

第九十課 禹治水

當堯之時。有洪水之災。舜佐堯。
 舉禹治水。禹八年在外。三過其
 門而不入。苦心壹志。終能導水
 入海。中國之民。始得平土而居。
 美哉禹功。明德遠矣。

第九十一課

太華山

太華山在陝西省。即西嶽也。峰巒之勝。冠於五嶽。最高者。為蓮華峰。登其上。極目四顧。諸峰羅列。北望黃河。蜿蜒如帶。折而東流。成為河曲。西有連峰。小於太華。謂之少華。

第九十二課

大江

我國川流。大江為最長。曲折九千餘里。以入於海。經雲南。曰金沙江。至四川。岷江來會。東入巫峽。灘多水急。出峽後。水勢漸平。大江兩岸。土地膏腴。物產豐盛。為我國富饒之藪。

第九十三課

刻舟求劍

楚人有涉江者。其劍自舟中墜
 於水。遽刻其舟。曰。是吾劍之所
 從墜。舟止。從其所刻之處。入水
 求之。舟已行矣。而劍不行。求劍
 若此。不亦惑乎。

第九十四課 黃牛灘 大江自四川入
 湖北。經黃牛山下。有灘名黃牛
 灘。南岸重嶺疊起。高崖間有石。
 如人負刀牽牛。江湍紆迴。雖途
 經數日。猶望見之。故行者謠曰。
 朝發黃牛。暮宿黃牛。三朝三暮。
 黃牛如故。

第九十五課 救國

吳伐楚。楚昭王出奔。其臣申包胥。乞救於秦。立於秦庭。晝夜哭。七日七夜。不絕聲。秦哀公曰。有臣如此。可不救乎。興師救楚。吳人聞之。引兵而還。楚昭王返國。欲賞申包胥。申包

胥辭曰。救亡。非為名也。功成受
 賜。是賣勇也。辭不受。遂退隱。終
 身不見。

第九十六課 海大魚

靖郭君為齊相。封於薛。將城而
 居之。客多諫者。靖郭君謂謁者。
 勿為客通。齊人有請者。曰。臣請

三言而已矣。靖郭君因見之。客趨而進曰。海大魚。因反走。靖郭君曰。請聞其說。客曰。君不聞海大魚乎。網不能止。鉤不能牽。蕩而失水。則螻蟻得意焉。今齊亦君之水也。失齊。雖隆薛之城。到於天。猶之無益也。靖郭君

曰。善。乃不城薛。

第九十七課 報德

唐張弼脫李大亮於難。後大亮
貴。遇弼於途。持之而泣。悉推家
財與之。弼不受。大亮言於帝。帝
用弼為代州都督。弼不任德。亮
必報恩。此兩得之。

第九十八課

九江府

九江府在江西省。廬山峙其南。大江環其北。為全省門戶。自開為商埠。貿易繁盛。出口之貨。以南昌府之茶。景德鎮之瓷器。最為有名。城西臨江之地。租界在焉。

第九十九課

吳伐荊

吳王欲伐荊。告其左右曰。敢有
 諫者死。舍人有少孺子者。欲諫
 不敢。則懷丸操彈。遊於後園。露
 沾其衣。如是者三旦。吳王曰。子
 來。何苦沾衣如此。
 少孺子對曰。園中有樹。其上有

蟬。蟬高居悲鳴飲露。不知螳螂
 即在其後也。螳螂委身曲附欲
 取蟬。而不知黃雀在其旁也。黃
 雀延頸欲啄螳螂。而不知彈丸
 在其下也。此三者皆欲得其利
 而不顧其後之有患也。吳王曰。
 善。乃罷兵。

第一百課 周文王

文王之為世子。朝於王季。日三。雞初鳴。而衣服。至於寢門外。問內豎之御者曰。今日安否何如。內豎曰。安。文王乃喜。及日中。又至。亦如之。及暮。又至。亦如之。其有不安節。則內豎以告文王。文

王色憂。行不能正履。王季復膳。
然後亦復初。

第一百零一課 周武王

武王伐殷。殷使膠鬲視周師。王
告膠鬲。將以甲子至。膠鬲行。天
雨不止。武王疾行不輟。眾請休
之。王曰。吾已令膠鬲以甲子之

期報其主矣。若甲子不至。是令
 膠鬲不信也。膠鬲不信。其主必
 殺之。吾疾行。所以救膠鬲之死
 也。果以甲子至。

第一百零二課

君子行

君子防未然。不處嫌疑間。瓜田
 不納履。李下不正冠。嫂叔不親

授長幼不比肩。勞謙得其柄。和
光甚獨難。周公下白屋。吐哺不
及餐。一沐三握髮。後世稱聖賢。

第一百零三課 李核

張助種禾田中。得一李核。見空
桑中有土。因種之。以餘漿灌溉。

助適遠出。人見桑中生李。異之。有病目者。息樹下。疾偶愈。於是轉相告語。謂李君神。能令盲者得視。遠近皆來禱祀。助還見之。驚曰。此何有神。乃我所種耳。遂斲去。

第一百零四課 漢口

漢口。在湖北省。地當大江北岸。為漢水入江之地。故曰漢口。自各國通商開為口岸。商舶多萃於是有鐵路。北通京師。曰京漢鐵路。已通行。近日修築者。南通廣東。曰粵漢鐵路。西通四川。曰

川漢鐵路。則尚未成。漢口一埠。洵我國水陸要衝也。

第一百零五課 舅犯

晉文公問於舅犯曰。誰可使為西河守者。對曰。虞子羔可也。公曰。非汝之讐耶。對曰。君問誰為守者。非問臣之讐也。虞子羔見

舅犯而謝之。曰。幸赦臣之過。薦
 之於君。得為西河守。舅犯曰。薦
 子者。公也。怨子者。私也。吾不以
 私事害公義。

第一百零六課

錢塘江

錢塘江。在浙江省。龕。赭。二山。南
 北對峙。江水既為山所束。又下
 有沙渚。隔礙江流。故起而為潮。

勢如山嶽。聲如雷霆。八月望後。
 遠近之人。多來觀者。故浙江潮。
 自古傳為奇景。

第一百零七課 弦高

秦師襲鄭。及滑。鄭商人弦高。將
 市於周。遇之。矯鄭君之命。以牛
 十二犒秦師。曰。寡君聞吾子將
 步師出於敝邑。敢犒從者。且使

告於鄭。鄭人設備。以禦秦師。秦
聞鄭有備。乃不襲鄭。

第一百零八課

燔券

李士謙出粟數千石。以貸鄉人。
值年穀不登。債家無以償。皆來
致謝。士謙曰。吾家餘粟。本圖賑
贍。豈求利哉。於是悉召債家。為

設酒食。對之燔契曰契了矣。幸勿為念也。

第一百零九課 子產

鄭人遊於鄉校。以論執政。然明謂子產曰。毀鄉校如何。子產曰。何為。夫人朝夕退而遊焉。以議執政之善否。其所善者。吾則行。

之。其所惡者。吾則改之。是吾師也。若之何毀之。孔子聞是語也。曰。以是觀之。人謂子產不仁。吾不信也。

第一百十課 荆伐陳

荆伐陳。陳西門壞。使其降民修之。孔子過而不式。子貢問曰。禮

過三人則下。二人則式。今陳之
修門者眾矣。夫子不式。何也。孔
子曰。國亡而弗知。不智也。知而
不爭。非忠也。國亡而不死。非勇
也。修門者雖眾。不能行一於此。
吾故不式也。

第一百十一課 汪錡

齊師伐魯。公為見守城者負杖而息。泣曰。上不能謀。士不能死。何以治民。吾既言之矣。敢不勉乎。與其鄰童汪錡入齊師。皆死焉。魯人欲以成人之禮葬汪錡。問於孔子。孔子曰。能執干戈以

衛社稷。雖欲勿殤也。不亦可乎。

第一百十二課 商鞅

商鞅治秦。欲變法。令既具。未布。恐民之不信。立三丈之木於國都南門。募民有能徙置北門者。予十金。民莫敢徙。復曰。能徙者。予五十金。有一人徙之。輒予五

十金。乃下令。令行十年。秦國道
不拾遺。山無盜賊。民勇於公戰。
怯於私鬪。鄉邑大治。

司馬光論之曰。信者。人君之大
寶也。國保於民。民保於信。是故
古之王者。不欺四海。霸者不欺
四鄰。善為國者。不欺其民。善為

家者。不欺其親。商君處戰攻之
 世。天下趨於詐力。猶且不敢忘
 信。以圖其民。況為四海治平之
 政者哉。

第一百十三課 漆室女

魯漆室邑之女。倚柱而嘯。鄰婦
 曰。何嘯之悲也。女曰。吾憂魯君
 老。太子幼。鄰婦曰。此乃魯大夫

之憂。婦人何與焉。女曰。不然。魯國有患。君臣父子皆被其辱。禍及眾庶。婦人獨安所避乎。

第一百十四課 趙奢

趙奢為田部吏。收租稅。平原君家不肯出。奢以法治之。平原君怒。奢曰。君於趙為貴公子。今縱君家而不奉公。則法削。法削則

國弱。國弱。則諸侯加兵。諸侯加兵。是無趙也。君安得有此富乎。平原君以為賢。言於王而用之。

第一百十五課 誠實

明山賓。性篤實。家貧乏用。貨所畜之牛。既售。受錢矣。謂買主曰。此牛曾患漏蹠。治愈已久。恐後

時復發。無容不相語。買主不欲得牛。山賓復還其錢。阮孝緒聞之。曰。此言足使還純反樸矣。

第一百十六課 縱鶴點軍

曲端善治軍。張浚嘗按視其營。關無一人。浚異之。謂欲點視。端以所部五軍籍進。浚命點其一。

部。端開籠縱一鵠以往。而所點之軍隨至。浚欲盡觀之。於是悉縱五鵠。五軍皆至。

第一百十七課 田單

燕攻齊。下七十餘城。田單守即墨。以拒燕軍。收城中得千餘牛。為絳繒衣。畫以五綵龍文。束兵

刃於其角。灌脂束葦於尾。燒其
 端。鑿城數十穴。夜縱牛。壯士五
 千人隨其後。牛尾熱。怒而奔燕
 軍。燕軍大駭。敗走。七十餘城皆
 復為齊有。

第一百十八課

出使異國

契丹遣使索地於宋。宋擇報聘

者。諸臣皆以其情叵測。莫敢行。乃命富弼往。弼曰。主憂臣辱。臣不敢愛其死。遂往見契丹主曰。本朝皇帝言。朕為祖宗守國。豈敢妄以土地與人。反復陳說。契丹主感悟。乃不索地。

第一百十九課 祛惑

呂新吾曰。京師僦宅多擇吉數。有喪者。人多棄之。曰。能禍人。予曰。此是人為室禍。非室能禍人也。人之死生。受於有生之初。室豈能移。不幸而遭當死之人。遂為人所棄耳。惟君子能自信。而

付死生於天。則不為往事所惑矣。

第一百二十課

辨訛

宋之丁氏家無

井而出汲。常一人居外。及其家穿井。告人曰。吾穿井得一人。有聞而傳之者。曰。丁氏穿井得一人。國人道之。聞於宋君。宋君令

人問之於丁氏。丁氏對曰。得一人之使。非得一人於井中也。

第一百二十一課 愚公移山

北山愚公。年九十。面山而居。懲出入之迂也。將率子孫而平之。河曲智叟笑而止之曰。甚矣汝之不慧。以殘年餘力。曾不能毀

山之一毛。其如土石何。愚公曰。我雖死。有子存焉。子又生孫。孫又生子。子子孫孫。無窮匱也。而山不加增。何懼不平乎。

第一百二十二課 遷善

王烈字彥方。以義行稱鄉里。有盜牛者。主得之。盜請罪。曰。刑戮

是甘。乞不使王彥方知也。烈聞之。使人遺布一端。或問其故。烈曰。盜懼吾聞其過。是有恥惡之心。既懷恥惡。必能改善。故以此激之。

後有老父擔重行路。有人代擔行數十里。欲至家。置而去。問姓。

名不以告。頃之。老父復行。失劍於路。有人見而守之。至暮。老父見之。前者代擔人也。固問其姓名。乃語之而去。老父以告烈。烈使人推求。乃昔時盜牛人也。

第一百二十三課 太行山

太行山與伏牛山相連。伏牛山

脈自河南境曲折而北。越黃河。入山西境。北與陰山相連。又折入直隸境內。為太行山。綿亘千餘里。縱貫南北。山脈甚長。恆山即其一峰。層巒疊嶂。險峻難踰。稱為河北重鎮。

第一百二十四課

韓非

韓非。韓之諸公子也。數以書諫

韓王。王不能用。乃上書說秦王。
滅韓而併天下。或譖之秦王。王
下非於獄。治其罪。非自殺。司馬
光論之曰。君子親其親。以及人
之親。愛其國。以及人之國。今非
為秦畫謀。而首欲覆其宗國。罪
不容於死矣。

第一百二十五課 非相

相人之術。謂觀人形相而知其
 吉凶。然實不足信也。荀子非之
 曰。相形不如論心。論心不如擇
 術。形相雖惡而心術善。無害為
 君子也。形相雖善而心術惡。無
 害為小人也。君子之謂吉。小人

之謂凶。形相善惡，非吉凶也。

第一百二十六課 不失信

范式少遊太學。與張劭為友。二人並歸鄉里。式謂劭曰。後二年當過君家。約期而別。及期。劭白母。請設饌以俟之。母曰。二年之別。千里結言。爾何信之深耶。對

曰。式信士。必不乖違。母曰。若然。
當為爾醞酒。至其日。式果至。

第一百二十七課 長城

周自平王東遷。王綱不振。諸侯
紛爭。五霸興於前。七雄起於後。
至秦始皇滅六國。天下始歸一
統。始皇北備匈奴。築長城。長五

千餘里。高三丈。每隔三十六丈。
設堡障以為防守。規模雄壯。為
世間一大工程。

第一百二十八課 山海關

山海關在直隸省。為長城極東
之處。東北路甚狹。自古稱為險
要。今築礮臺。設防守。西南有秦

皇島。突出海中。便於泊船。為直
隸省不凍之口岸。當津海冰結
之時。南北商船。多取道於此。

第一百二十九課

日喻

生而眇者。不識日。問之有目者。
或告之曰。日之狀如銅槃。扣槃
而得其聲。他日聞鐘。以為日也。
或告之曰。日之光如燭。捫燭而

得其形。他日揣籥以為日也。日之與鐘籥亦遠矣。而眇者不知其異。以其未嘗見而求之人也。使學者無真知灼見。與捫燭扣槃者奚異哉。

第一百三十課

項羽

項羽。楚人也。從季父梁起兵。秦

軍圍鉅鹿。羽救之。引兵渡河。皆
沈船。破釜。甑。燒廬舍。持三日糧。
示士卒必死。無還心。於是與秦
軍遇。九戰。大破之。諸侯軍救鉅
鹿者十餘壁。莫敢縱兵。及楚擊
秦。諸侯皆從壁上觀。楚戰士無
不以一當十。呼聲動天地。諸侯

軍人人惶恐。

第一百三十一課

漢高祖

漢高祖破秦入咸陽。還軍霸上。召諸縣豪傑曰。父老苦秦苛法久矣。誹謗者族。耦語者棄市。吾與諸侯約。先入關者王之。吾當王關中。與父老約。法三章耳。殺

人者死。傷人及盜抵罪。餘悉除
 去秦法。吏民皆按堵如故。凡吾
 所以來。為父兄除害。非有所侵
 暴。毋恐。且吾所以軍霸上。待諸
 侯王至。而定約束耳。秦民大喜。

第一百三十二課 韓信

漢高祖。使韓信擊趙。趙聚兵井

陘口。信未至井陘口三十里止舍。夜半傳發。選輕騎二千人。人持一赤幟。從間道蔽山而望趙軍。誠曰。趙見我走。必空壁逐我。汝疾入趙壁。拔趙幟立。漢赤幟。令其裨將傳餐曰。今日破趙會食。諸將皆莫信。佯應曰諾。

第一百三十三課

續

信使萬人先行出背水陣。趙軍望見而大笑。平旦，信建大將之旗鼓。鼓行出井陘口。趙開壁擊之。大戰良久，信佯棄旗鼓而走。趙果空壁出，爭漢旗鼓逐信。信已入水上軍，軍皆殊死戰，不可敗。信所出奇兵二千騎，馳入趙

壁。皆拔趙幟。立漢赤幟二千。趙
軍還。見皆漢赤幟。大驚。遂亂。遁
走。漢兵夾擊。大破之。

第一百三十四課 緹紫

洎于意得罪當刑。將西之長安。
意有五女。隨而泣。意曰。生子不
生男。緩急無可使者。於是少女

緹縈傷父之言。乃隨父行。上書曰。妾父坐法當死。妾切痛死者不可復生。而刑者不可復續。雖欲改過自新。終不可得。妾願入身為官婢。以贖父刑罪。使得改行自新也。漢文帝悲其意。赦意罪。並除肉刑。

第一百三十五課 兄弟

蘇瓊除南清河太守。有百姓乙
普明兄弟爭田。積年不斷。各相
援據。乃至百人。瓊召普明兄弟
諭之曰。天下難得者兄弟。易求
者田地。假令得田地。失兄弟。心
如何。因而下淚。諸證人莫不灑
泣。普明兄弟叩頭乞外。更思分

異十年。遂還同住。

第一百三十六課卜式

卜式。以牧羊為事。致羊千餘頭。
時漢方擊匈奴。式上書。願輸家
財之半。以助邊費。武帝使人問
式。欲為官乎。式曰。不願也。使者
曰。家豈有冤。欲言事乎。式曰。式

與人無所爭。何故見冤。使者曰。
 子何欲。式曰。天子誅匈奴。愚以
 為賢者宜死節。有財者宜輸之。
 如此。而匈奴可滅也。

第一百三十七課 洞庭湖

洞庭湖。在江漢之南。近連雲夢。
 遠接湘沅。我國第一藪澤也。湖

水漲時。周圍八百里。汪洋無際。有震撼天地之勢。湖之中。君山泛碧。塔勢陵空。遊人登岳陽樓。遠眺湖山。宛如圖畫。近年更有汽船航行。往來於沙市漢口長沙常德等處。行旅便之。

第一百三十八課 張騫

漢武帝之時。匈奴為患。帝聞大

月氏怨匈奴。欲與共擊之。乃募能使者。騫應募。使月氏。西經匈奴。為所得。留騫十餘歲。騫持漢節不失。得間西走月氏。月氏王無報匈奴之心。騫留歲餘。還復為匈奴所得。留歲餘。亡歸漢。騫卒通西域諸國。後皆奉漢之威。

令。至今隸中國版圖。原其始。則
騫之功也。

第一百三十九課 蘇武

蘇武漢武帝時使匈奴。匈奴欲
脅之使降。武不肯。乃幽武置大
窖中。絕不與飲食。天雨雪。武卧
齧雪與旃毛並咽之。數日不死。

匈奴乃徙武北海無人處牧羝。
 云。羝乳乃得歸。武仗漢節牧羊。
 卧起操持。節旄盡落。凡十九歲。
 始還。

第一百四十課 昆陽之戰

漢之中葉。為王莽所篡。光武起
 兵。下昆陽。莽遣王尋王邑將兵

百萬。旌旗輜重。千里不絕。有長人。巨無霸為壘尉。又驅諸猛獸。以助威武。諸將見。尋邑兵盛。皆惶怖。憂念妻孥。欲散歸。光武曰。今兵穀既少。而外寇強大。並力禦之。功庶可立。如欲分散。勢無俱全。今不同心。膽共舉功名。反

欲守妻子財物耶。

光武遂與營部俱進。連戰皆勝。乃與敢死者三千人。從城西水上衝其中堅。尋邑陣亂。乘銳攻之。遂殺王尋。城中亦鼓譟而出。中外合勢。震呼動天地。莽兵大潰。會大雷雨。屋瓦皆飛。雨下如

注。湓川盛溢。士卒爭赴。溺死者
以萬數。水為之不流。王邑輕騎
逃去。

第一百四十一課

班超

班超。為人有志而孝謹。家貧為
官傭書。以養其母。久勞苦。嘗投
筆歎曰。大丈夫當立功異域。安
能久事筆硯閒乎。後使西域。到

鄯善。而匈奴使者至。超謂吏士
 曰。不入虎穴。不得虎子。乃悉殺
 匈奴使者。鄯善一國震怖。更為
 西域都護。屢立奇功。西域五十
 餘國。莫不畏服。皆納質於漢。

第一百四十二課

大秦國

班超遣掾甘英通大秦條支。窮
 西海。及安息西界。臨大海。還不

果渡。大秦嘗欲通使於漢。而安
 息以漢繒綵與之交易。貪其利。
 百方遏抑。使不得達。至桓帝時。
 大秦王安敦。遣使自日南徼外。
 獻象牙犀角瑇瑁。乃得通漢。大
 秦者。歐洲古時名國也。歐洲通
 中國自此始。

第一百四十三課 赤壁之戰

東漢之季。羣雄割據。曹操下荆
州。東伐吳。吳主孫權。使周瑜率
兵禦之。遇於赤壁。操軍次江北。
瑜兵在南岸。瑜部將黃蓋。取鬪
艦十艘。載燥荻枯柴。灌油其中。
時東南風急。蓋縱火。火烈風猛。

船注如箭。燒盡北船。延及岸上
營落。人馬死者甚眾。操大敗而
歸。

第一百四十四課 諸葛亮

諸葛亮。隱居南陽。每自比管仲
樂毅。漢昭烈帝。三顧亮於草廬
之中。乃佐昭烈成帝業。昭烈崩。
亮受顧命。輔後主。外連東吳。內

平南越。出師北定中原。卒於軍
 中。初亮自表後主曰。成都有桑
 八百株。薄田十五頃。子弟衣食
 自有餘饒。臣死之日。不使內有
 餘帛。外有贏財。以負陛下。及卒。
 果如其言。
 亮性長於巧思。損益連弩。又造

木牛流馬。推演兵法。作八陣圖。
咸得其要。

八陣圖遺址。在今四川夔州府
城外沙渚中。武侯故居。在今成
都府。蜀漢即建都於此。
成都府為四川省會。風景佳麗。
人物殷繁。工場絲業甚盛。又有

鹽井火井。皆特產也。近擬築川漢鐵路。以通漢口。即由此發軔。

第一百四十五課

曹沖孫亮

曹操有子曰沖。少聰慧。孫權致巨象於操。操欲知其斤重。訪之臣下。咸莫能出其理。沖曰。置象大船之上。而刻其水痕所至。稱

物以載之。則校可知矣。

孫權少子曰亮。使黃門至中藏
取蜜。蜜中有鼠矢。亮令破鼠矢。
矢裏燥。亮曰。若矢先在蜜中。中
外當俱溼。今外溼裏燥。必是黃
門所為。黃門首服。

第一百四十六課 李密

李密。少孤。祖母劉氏躬自撫養。

密奉事以孝謹聞。劉氏有疾。則
涕泣側息。未嘗解衣。飲食湯藥。
必先嘗後進。晉武帝徵為太子
洗馬。密以祖母年高。無人奉養。
遂不應命。上疏有云。臣無祖母。
無以至今日。祖母無臣。無以終
餘年。母孫二人。更相為命。是以

私情區區。不敢棄遠。帝乃停召。

第一百四十七課

婦人報國

虞潭征蘇峻。母孫氏戒之曰。吾聞忠臣出孝子之門。汝當捨生取義。勿以吾老為累也。盡發其家僮。令隨潭助戰。貿其所服環珮。以為軍資。

秦苻丕攻晉襄陽。朱序固守。母

韓夫人自登城，履行西北隅，以
 為不固。帥婢僕及城中女丁，築
 斜城於其內。秦兵攻西北隅，果
 潰，移守新城。襄陽因得不陷，人
 皆呼之為夫人城。

第一百四十八課

肥水之戰

秦王苻堅發卒六十餘萬，騎兵

二十七萬攻晉。晉遣謝石、謝元、督眾八萬拒之。秦兵逼肥水而陣。元使謂秦軍曰：「君移陣小卻，使我兵得渡，以決勝負。」秦麾兵使卻，遂退，不可復止。元等引兵渡水擊之，秦兵大敗。其走者聞風聲鶴唳，皆疑為晉兵，且至。晝

夜不敢息。飢凍死者甚眾。

第一百四十九課

明太祖鄱陽湖之戰

明太祖使朱文正守南昌。陳友諒大舉圍之。文正遣使告急。太祖自將救南昌。發舟師二十萬。進次湖口。友諒聞援兵至。撤圍東出鄱陽湖。遇於康郎山。友諒

兵號六十萬。直趨太祖舟。舟膠於沙。不得退。危甚。適援舟驟進。水湧得脫。友諒集巨艦連鎖為陣。太祖兵仰攻不利。會日暮風起。乃命死士載火藥蘆葦焚友諒舟。風烈火猛。水盡赤。友諒中流矢貫睛及顱而死。

第一百五十課

黃孝子

黃孝子。名向堅。江蘇人。父官雲
 南大姚知縣。明末大亂。阻兵不
 得歸。孝子孑身往尋之。族黨皆
 阻其行。不顧。既出門。遇客之舊
 往滇者。告以道里之遠。山川之
 阻。戈鋌之險。虎狼之暴。與盜賊

剽掠。猺獞生番之險惡。復力阻其行。卒奮然往。一蓋一笠。越關數百重。至滇。滇人訝其衣服形容不類。欲加刃。告以實。痛哭如嬰兒。眾乃釋之。至白鹽井。遇父母及弟。俱無恙。喜極。哭失聲。雖蠻獠亦為感動。踰一年得歸。往返一萬六千餘里云。